

# Шайтон васvasа қилғанда...

Шайх Мұхаммад Содик Мұхаммад Юсуф  
**Анбиёлар қиссаси**

## Шайтон васvasаси

«Бас, шайтон икковларининг беркитилган авратларини очиш учун уларни васvasа қилди ва:  
«Роббингиз сизни ушбу дараҳтдан фақат икковингиз фаришта бўлмаслигингиз  
ёки мангү қолувчилардан бўлмаслигингиз учунгина ман қилди», – деди»  
(«Аъроф» сураси, 20-оят).

siyrat.uz

19:45 / 27.12.2018 3729

Абу Ҳурайра розияллоҳу анҳудан ривоят қилинади:

**«Набий соллаллоҳу алайҳи васаллам:**

**«Шайтон бирингизга келиб: «Буни ким яратди? Уни ким яратди?»**  
**дейди. Ҳатто: «Роббингни ким яратди?» ҳам дейди. Қачон шунга**  
**етганда, у Аллоҳдан паноҳ сўрасин ва бас қилсин», дедилар».**

Учовлари ривоят қилишган.

Ушбу ҳадиси шарифда инсон хаёлидан кечадиган баъзи васvasалар шайтондан эканлиги баён қилинмоқда. Шу билан бирга, ўша шайтон васvasасини қайтариш йўли ҳам кўрсатилмоқда. Шайтон Одам Ато билан ўзи орасида бўлиб ўтган машхур можародан буён одам боласига душмандир. У Қиёмат кунигача одамзодни васvasа қилишга қасам ичган. Шунинг учун ҳам, инсон ҳаргиз бу лаънатланган душманини унутмаслиги керак. Гоҳида хаёлига келиб қоладиган васvasали фикрлар, «уни ким яратган, буни ким яратган» каби саволлар бора-бора «Роббингни ким яратган?» каби телба фикрга олиб келиши ҳам турган гап. Шунинг учун мазкур ҳолат юзага келганда дарҳол: «Аъузу биллаҳи минашшайтонир рожийм», деб Аллоҳдан паноҳ сўрасин, мазкур хаёлларни миясидан қувсин! Шу билан иш тугайди. Ҳеч нарса кўрмагандек бўлиб кетади. Акс

ҳолда оқибати чатоқ бўлиши мумкин.

Ушбу ҳадисдан олинадиган фойдалар:

- 1. Шайтон васвасасининг ҳақлиги.**
- 2. «Уни ким яратди, буни ким яратди?» деб бориб, «Роббингни ким яратди?» дейишгача бориб қолиш ҳам мумкинлиги.**
- 3. Бундай ҳолатларда Аллоҳдан паноҳ сўраш лозимлиги.**
- 4. Бундай саволларни дарҳол тўхтатиш лозимлиги.**

Сиртдан содда кўрингани билан бу ҳадисда зикр қилинган масала ўта муҳимдир. Васваса кишилар учун энг нозик ва энг хатарли нарса, у ақийда бобида зарап етказади. У туфайли инсон дидан чиқиб, коғир бўлиши ҳеч гап эмас. Ушбу ҳадисда ана шундай катта муаммони ҳал этиш йўли тақдим этилмоқда. Ҳозирги кунда мусулмон оламида ҳам, ундан ташқарида ҳам васваса хасталигига учраганлар кун сайин кўпайиб кетаётгани ҳеч кимга сир эмас. Руҳий ва асабий касаллар сони тинимсиз ўсиб бормоқда. Бу эса ушбу ҳадиси шариф ва кейинги келадиган ҳадисларнинг ҳикматига инсоният қанчалик муҳтож эканлигини кўрсатади.

**«Ҳадис ва ҳаёт» китобидан**